




THESES.



1.

Medicamenta à venenis gradu tantum differunt. hinc

2.

Debitis cum cautelis, venena ipsa egregia evadunt medicamenta.

3.

Quare plantæ venenatæ absolute venenatæ dici nequeunt, sed tantum respective.

4.

Sola analysis Chémica, nil certi de viribus plantarum decernere potest.

5. Qua-



5.

Qualitates plantarum manifestantur in primis odore, & sapore.

6.

Coloris, loci natalis, temporis plantas colligendi, tempestatum anni assidua consideratio, multum ad hanc rem quoque conferunt.

7.

Cum numerum hybridarum plantarum augeri continuo per experimenta comperitum sit, probabile forte etiam erit, hybridas plantas non habitum solum externum, sed quod virtutes etiam adinet, ex utraque parte participare. hinc

8.

Plantas venenatas minus venenatas reddi, & e contra.

9.

Effluvia, exhalationes venenatarum etiam plantarum, naturæ intentum esse videntur, ut diversis in atmosphæra suspensis mixtæ, salutarem animalibus auram captandam efficiant. hinc

10. Non



10.

Non postrema hæc salubritatis æris rusticani causa esse poterit.

11.

Dantur plantæ per experimenta vere venenatæ, quæ certis cum cautelis non modo secure in usum alimentarem trahi possunt, sed etiam vere nutriunt.

12.

Coctio sola, ut condimenta taceam, insigniter nonnullarum plantarum vim noxiam infringit.

13.

Plantas in eodem nutritas solo, tam diversos in suis vasis vehere succos, ut venenata una, altera innoxia fit; neque in diversitatem diametri, neque in diversam conformationem ultimorum vasorum capillarum osculorum, sed in differentiam attractionis, quæ vascula hæc inter, & liquores circulantes interest, refundi posse videtur.

14.

Cum vasa capillaria ad certam tantum altitudinem liquida attollant, ad
pro-



probe explicandam majorum etiam arborum nutritionem, ad valvularum licet necdum ad oculum demonstratarum mechanismum, commode refugitur.

